

GRAD NOVI PAZAR

SKUPŠTINA GRADA

Odbornička grupa SDA Sandžaka

Novi Pazar

17. mart 2024. godine

P R E D S J E D N I K U

SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O DOSTAVLJANJU IZVJEŠTAJA O NACIONALNOJ STRUKTURI ZAPOSLENIH U GRADSKIM UPRAVAMA, JAVNIM PREDUZEĆIMA I USTANOVAMA**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red i donese na sjednici Skupštine grada koja će se održati 18. marta 2024. godine.

Odbornici SDA Sandžaka u Skupštini grada

dr. Adem Đerlek

Džanan Bačićanin

Merfid Kamešničanin

Maida Baltić Spahović

Saima Brunčević

Dinheta Pulić

Kenan Kadrić

Kadir Trubljanin

Adem Pepić

Ilma Dupljak

Ovlašćeni predstavnik predlagača je odbornik mr. Saima Brunčević

PRIJEDLOG

Na osnovu člana 20. stav 1. tačka 10) i 11), člana 32. stav 1. tačka 8) i člana 52. stav 1. tačka 2) Zakona o lokalnoj samoupravi („Službeni glasnik RS“, broj 129/2007, 83/2014 – dr. zakon, 101/2016 – dr. zakon i 47/2018), člana 147. Statuta grada Novog Pazara („Službeni list grada Novog Pazara“, broj 6/19) i člana 137. Poslovnika Skupštine grada Novog Pazara („Službeni list grada Novog Pazara“, broj 6/19), Skupština grada Novog Pazara na sjednici održanoj 18. marta 2024. godine, donosi

O D L U K U

o dostavljanju izvještaja o nacionalnoj strukturi zaposlenih u Gradskim upravama, javnim preduzećima i ustanovama

Član 1.

Gradske uprave za izvorne i povjerene poslove i naplatu javnih prihoda Grada Novog Pazara, javna preduzeća i ustanove čiji je osnivač Grad Novi Pazar, u roku od 8 dana od dana donošenja ove odluke, Skupštini grada dostaviće izvještaj o nacionalnoj strukturi zaposlenih.

Član 2.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 18. mart 2024. godine

PREDSJEDNIK

O B R A Z L O Ž E N J E:

Pravni osnov:

Pravni osnov za donošenje odluke sadržan je u:

- članu 20. stav 1. tačka 10) i 11), članu 32. stav 1. tačka 8) i članu 52. stav 1. tačka 2) Zakona o lokalnoj samoupravi;
- članu 147. Statuta grada Novog Pazara;
- 137. Poslovnika Skupštine grada Novog Pazara.

Razlozi za donošenje odluke:

Predložena odluka kojom se zahtjeva od Gradske uprave za izvorne i povjerene poslove, Gradske uprave za naplatu javnih prihoda, te gradskih javnih preduzeća i ustanova podnošenje izvještaja o nacionalnoj strukturi zaposlenih jeste na pravu zasnovan mehanizam provjere kako bi se utvrdilo da li je privremena nelegalna i nelegitimna vlast uspostavljena na štetu adekvatne zastupljenosti Bošnjaka u institucijama lokalne vlasti.

Ustav Republike Srbije u članu 77. stav 2. utvrđuje obavezu da se prilikom zapošljavanja u organima i službama lokalne samouprave vodi računa o o nacionalnom sastavu stanovništva i odgovarajućoj zastupljenosti pripadnika manje brojnih naroda. Dakle, shodno citiraom članu Ustava, nacionalna struktura zaposlenih u gradskim organima i službama mora biti ekvivalentna nacionalnoj strukturi stanovništva u Novom Pazaru.

Prema podacima Republičkog zavoda za statistiku na posljednjem popisu stanovništva iz 2022. godine od ukupno 106.720 stanovnika Bošnjaka je 85.204 odnosno 80% ukupnog stanovništva te bi u tom omjeru trebali biti zastupljeni u organima i službama grada Novog Pazara.

Suprotno tome, trend koji je prisutan u pogledu zapošljavanja u institucijama lokalne vlasti prijete da Bošnjaci u pogledu zastupljenosti postanu izrazita manjina, što je apsolutno ne prihvatljivo te je s tim u vezi donošenje ove odluke neophodno iz razloga da se izvrši presjek stanja kako bi se

eventualno mogle preduzeti potrebne mjere, ukoliko se to pokaže kao neophodno, da se zastupljenost Bošnjaka dovede do Ustavom naložene mjere.

Evidentno je da se zapošljavanja u javnom sektoru koriste kao vid sticanja i očuvanja političke moći nametnute vladajuće većine, čime se vlast podređuje interesima političkih stranaka, a na štetu bošnjačkog naroda. Pomenuta pojava je, prema informacija kojima se raspolaže, naročito prisutna nakon održavanja lokalnih izbora 17. decembra 2023. godine.

Cilj koji se želi postići donošenjem ove odluke, jeste utvrđivanje činjenica koje će prikazati da li nacionalna struktura zaposlenih odgovara nacionalnoj strukturi stanovništva u Novom Pazaru. Pored toga, donošenje ove odluke potvrdiće ili demantovati postojanje opravdane sumnje, da privremena, nelegalna i nelegitimna skupštinska većina u Skupštini grada Novog Pazara svoje postojanje temelji na uslovu da se naruši nacionalna struktura zaposlenih u gradskim organima i službama na štetu bošnjačkog naroda. Nijedna politička stranka nema pravo da uspostavi bilo kakvu vlast ako je cijena te vlasti obespravljivanje bošnjačkog naroda, uklanjanje Bošnjaka iz javnih institucija i prihvatanje da učestvuje u realizaciji cilja da se Bošnjaci stave u poziciju građana drugog reda.

Objašnjenje pojedinačnih rješenja propisanih ovom odlukom:

Član 1: Utvrđen je predmet odluke

Član 2: Propisana je obaveza objavljivanja odluke u „Službenom listu grada Novog Pazara“

Finansijska sredstva za sprovođenje ove odluke nisu potrebna.